

福建府縣志輯

中國地方志集成

光緒漳浦縣志
乾隆隆銅山志
康熙詔安縣志
民國詔安縣志

中國地方志集成

福建府縣志輯③①

民國
詔安縣志

康熙
詔安縣志

乾隆
銅山志

光緒
漳浦縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 31, 光緒漳浦縣志、
乾隆銅山志、康熙詔安縣志、民國詔安縣志 / 上海書
店出版社編. - 上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-漳浦縣③地方志-福建-銅山④地方志-福建-詔
安縣 IV. K29

中國版本圖書館 CIP 數據核字 (2000) 第 27740 號

重刊漳浦縣志序

浦志成書始於有明清初曾一經續續光緒中僅增補耳民國肇造又廿餘年其間歷遭變劫而舊籍尙存足資考鏡者蓋前徵輔世翼教之旨不容沒也熙不佞自二十三年秋忝蒞閩南區政兼理漳浦迄今歲二稔矣嘗推求治亂之道無論大者爲國小者爲邑當必先轉移末俗以培成賴撲不拔之基夫然後雖有災患之侵已足以相維相繫自立於不敝此綱常名教攸關乎世道人心者至深且鉅而余之所以拳拳於此邦文獻而不能已者也惜原書漫漶訛串轉多遂聘任陳勿驤孝廉校訂重刊分印若干卷庶負政教之責者各置一編觀感之餘亦有所教正也夫

中華民國二十五年三月漢壽朱熙敬序

漳浦縣志序

漳州府志卷之四

漳浦縣志序

明嘉靖九年

林魁

邑志邑之史也辨土疆陳職貢同貫利昭人文大凡事繫治道無乎不書而法存體要事實錄其制沿誦訓其旨祖筆創統紀相承名實不爽然後可以質前聞信來裔不然非所以爲志也漳浦縣創唐垂拱中時守臣厲揚上將軍陳元光平潮寇奏置漳州實治於此天寶初改漳浦郡貞元初郡徙龍溪浦爲縣如故其山川土田風俗文物之盛載於入閩通志漳州府志諸書班班可攷然自啓土迄今未有紀述全書垂不刊之籍者庸非闕與嘉靖丙戌吉水周侯仲以循良博雅拜令於茲既三年政通民和百廢具興念文獻獨缺非以善治行遠蓋嘗潛心制作而局務叢委久之進士林君梅以外制漢自京師讀禮之暇侯因以志屬君乃取二志會而通之願舊文於邑事猶略於是稽以傳記參以見聞訂訛補缺增加修輯門分類別綜核詮次七越月而後成編侯將綴梓以傳而請予引其首予惟周官外史掌四方之志而土訓掌道地

漳浦縣志序

漳州府志卷之四

圖詔地事辨地物詔地采凡以布王之制使來者有考也故爲國者非志無以致政而授政者非志無以廣業志之重其可忽哉昔楚子文僅能以舊政告新令尹孔子猶稱其忠侯於治成之餘乃能咨諏掌故收歷代之敷亡舉曠世之遺典使後之君子無文獻不足於徵之嘆而將來之吏於斯者據之可以體國惠民生於斯者循之可以稽古善俗憲時嘉後作則無窮其意可謂感矣職土之臣其忠不啻如是耶後之覽者其將興於斯

余修漳浦縣志既成書以授邑侯周仲考訂而錄諸梓將以傳屬余當有言以序其後追昔未第時每不自揆欲成此書以補一方之闕侯初視案閱嘗一再請顧其時踵百務墜廢釐補而藩飾無甯日已丑夏侯以職事入覲遺治稽古搜遺敦化崇禮遠風大振尤以邑志而加之意曾予自京師奔父喪歸亟圖編輯動勳未遑越明年春讀禮之暇猥以屬筆筮日合官迎迓就館禮恭父老創見感舉欣欣快覩而求厥成適觀焉竊惟邑治闢自唐垂拱歷宋而元闕絕亡傳入國朝又百六十年餘積古純全之氣勃蕪蒸滄而圻副於今日疏發藪味昭示後先是固世道升降之機物理廢興人文顯晦之會也而余生長於斯考邑之故而繫於治者皆嘗究心弋獲初志欲為而未畢不宜以難為解乃借庠友高松葉期遠從事筆硯泚闕漳二志所附載稽合同異復質諸見聞參諸輿論而加先後輕重去取焉是故志分野以察天文也志沿革封

漳浦縣志

序

三

卷之三

域以辨土疆也志風俗以一民趨也志山川物產以厚生而利用也志公署秩官以為民極也職貢以均之學校以教之條祀以本仁飭武以捍患其能者角出而類拔則官蹟可志矣與賢類能受材辨等則人物可志矣祥異志而休咎徵焉古蹟志而廢興別焉詞翰志而人文章焉寺觀志而邪說可息焉事以類分例以意定三長不足五難多矣闕文遺事或者有餘論矣嘗考禹貢一書僅千百言而九州入荒昭然可見夫子取以為經至周職方氏已遠不逮矣經亡而史作班馬范蔚宗諸家互有詳略史家闕職而志始闡紀其所自出錄其實以示有徵者史之流裔志之大凡也而要在於彰善導惡勸懲而植風教焉後之君子考究遊之治蹟而求與之相頡頏慕前哲之典型以增故鄉山川之重當必有惕然以興焉然以邁者若曰標題點抹審與聲譽之表與夫山川物產之饒勝兵賦職貢之數與名而已焉焉用志

夫令一邑者入疆問政按圖馭俗必考信於志載故志者邑之信史也史法有紀有表有志有傳以辨其疆土圖籍與其往蹟所已然者而取徵焉浦志之作舊矣余初從浦政親厥志載自輿地圖訖於列傳可彙千萬言蓋其載第復深考則事省而文略記雜而疑存由嘉靖庚寅以來殘闕又五十餘年其文辭不少概見云時欲補而緝之以日指程書卒卒未遑其後更事稍閒更取而讀之真有如前隙所短者乃亟講諸當道可其議遂以禮延太常王公應顯太僕朱公天球大史林公借春臬憲林公紹總其事諸大夫既至則揖不佞謂微邑偏小越在海隅載籍固陋何以觀焉我侯有心欲增脩之以為浦華辱在余等余等又固陋其無能以鉛槧進矣不佞謂否否浦故以文獻重即如紀錄皆號為成章夫豈不文則實之弗稱也余不佞不能知顧如時所志載逐浮詞忘實意直以故事成書為耳目姿睢又惡所傳信哉且鄭有詞命四

漳浦縣志

序

四

卷之四

賢展采炳平聖經况諸大夫固熙時名士而是誌又鄉邦世胄考鏡者故願諸大夫之終教之也若之何為辭於是諸大夫不以余言為鄙相顧然諾刻意成書義從舊斷而悉做之史法文由命定而若出於一家余復讀之則簡而明婉而盡其數絃也確其褒貶也正其記存也實其序次也又詳而有覽美哉秩秩乎稱實錄矣因命工綴梓俾凡令茲土者攬縣紀而知沿革之所以殊披三表而知冠裳文物之所以興參入志而知損益弛張之所以宜考四傳而知懿徽之所以彰君子曰詳哉其言之也以覽觀焉且亦愈知治矣是志凡一十六篇共三百一十九章計一十萬三千八百七十七字與諸大夫藏之梁山以俟後之君子

續修漳浦縣志引

林偕春

朱侯爲政既逾再稔則諸廢具舉矣一旦咨故實稽載藉慨茲邑志疎漏或且祈縣而後未之釐改也觀所以脩之會時且脩入閩通志來徵志章侯曰整舊裁新其在茲矣遂以其事申聞諸上司報可乃偕諸僚宋謀博士先生弟子僉舉所屬咸謂太常王氏應顯少僕朱氏天球憲副林氏紹宜而余不佞僭春亦與焉侯於是撰日戒幣具書以徵余方臥病慮不及聞外事且以有三君子者在無庸余誦陋爲也再三辭而侯再三以請不欲重違侯意力疾以行至則開局於興教寺之法堂侯率諸博士先生咸至焚香再拜告天矢無私而以蒐輯事屬諸黃生廷楠高生珩余四人者亦以序各占數款編纂焉始是年七月十有二日於其冬十月十有五日告成凡三閱月有畸爲紀一表三志八傳三而朱氏敍傳綴其後焉舊志分野沿革疆域山川物產列爲五今則總歸於輿地舊志風俗古蹟祥異自爲一今則附風俗於學校附古蹟於

漳浦縣志

五

外字而祥異見於縣紀焉舊志混貞節於人物別立孝義之名今則孝義稍爲類而不爲名而列女自爲一傳山川敘其委源而併糸夫民居賦役列其條目而致詳於軍餉鎮海陸警旣在疆域之內封守所關聲教所被故其屯戍之額與其人物之英烈者舉皆得錄陳將軍啓士是邦且其父子祖孫世官於此故其家世行實視昔加詳凡今書之紀表與表之恩命選舉中之武科又皆前志所無也中聞或減或增或更置蓋他割者減後出者增而倫類相比者更置之也又有雖已割而猶入雖已廢而尙存者蓋存之者以寄鱗羊之思而入焉者以崇先河之念也其事則詳其辭則瞻其義則凡有關於時政有裨於風教可更前職可垂後觀者輒用喫緊各以意論斷其後不少讓矣雖未必可藏之名山然世掌在有司亦足以備一方之故實而無他日杞宋不足徵之嘆矣邑自唐垂拱以來歲越十五甲子於茲其季於今距所起之歲則少十之一甲年殆九百而書僅再脩一脩於吉水周侯而草創始成再脩

於橋李今侯而潤色始備可不謂希曠乎余幸與其役而樂觀其成則亦既適然矣願書有內外小大之異體有朝野國邑之殊疇之耳目口鼻所以爲人而難以追夫龍準日角之威齒毛蹄角所以爲獸而難以媿夫鬣身牛尾馬蹄之祥何也體固各有圍也今茲所擬或太近似恐後之觀者不無遺議是余所爲執卷躊躇不能釋然者也

漳浦縣志序

六

蓋聞之志紀實也文足志也是以考政問俗匪志莫稽法往詔來匪志莫覈語云前事之不忘後事之師將謂是與浦有志尚矣重修於萬曆已卯朱虞峯公倡之其體裁品節定自朱司空王太常林編修林副憲四先生之手有縣紀三表入志四傳詳故靡所弗備錄矣且簡嚴而斧藻事直而考核有關於世教不佞承之以來逾六稔出入懷袖著蔡奉之稱善志矣獨計去昔二十有七載幾稱一世其間天運適興人文日盛生齒漸繁時事頓異以予所經歷親記證諸竹牘不無徑庭過此以往復當何如薦紳之盛美未彰地方之興革多缺實叨邑者之咎方有志續貂而未逮也會諸生以狀來請予輒然曰是實獲我心者於是屬諸學博陳君敬與君約前志作者大備無庸置纂矣惟續其未備者如職官選舉以及天子之綸恩三紀之內可更僕數乎宜按牒而續山川不改惟銅壺係發源山脈坍陷於居民墾田者費公私物力無筭僅得漳浦縣志序

完復而將來時時補綴迺可久宜據朱司空所為記而續租庸故有定額適中費欲於雲霄置榷場民思為亂以血舌苦爭之適得止仍歲供其課錢若干兩宜以恤民隱而續文廟鬻官及公署三所年久圯頽特甚日者次第修建頽亦改觀宜以紀歲月而續官蹟耀於仕途鄉評重於月旦蓋彬彬所從來矣近則鄉哲似溢於宦林是無乃與誦特傳舍而穎川自多賢乎亦宜以遺愛仰高而續鎮海衛建學未遠銅陸二守禦附焉賓興賦役皆隸吾邑登雋科名或載或不載傳信之謂何亦宜以一視而續天學製錦僊皆窳者吏之事也執彤管揚懿芬者師儒之職也是在君矣於是陳君唯唯退而廣詢諸長者與其章達茂才顏茂榛等亦互質證錯綜而繡徽之不閱月而書告成矣是舉也不待闢廣局肇凡例是以不禮請鄉紳不敢煩官帑獵虛聲是以不腰閱當道而一意委心於陳君陳君家世通顯代為上卿得聞金匱石室之祕博雅而嫻於史才是志之續毋亦僅露其一斑乎始而固遜終而卒業信非

陳君不足成吾志匪志予何以知陳君深哉文廟記出朱司空明綸堂記出盧左司徒俱續文詞予不佞亦僭數語于簡端以俟來茲載鴻筆者

漳浦縣志序

續修漳浦縣志序

清康熙三十九年

陳汝咸

漳志自明正德以前未有也嘉靖九年吉水周君仲合閩漳二志雜以見聞屬進士林君梅類為成書蓋浦志之權輿矣嗣是萬歷七年一修於楊季朱君廷益三十三年續修於慈谿王君猷于時浦邑人文特盛同事者則有太常王公應顯少僕朱公天球編修林公偕春憲副林公紹學博陳君所立皆名公哲匠極博雅之選煌煌乎事核而該文詳而有體後有作者厥維難哉余自丙子承乏于浦竊不自揆有志民生利病不敢因循積習苟具文書時按圖索志推求為政之要雖山川風物依然如昨而自萬歷三十三年至於今歷年九十有六中間因革損益廢興可謂歲異而月不同矣兵燹頻仍之後典籍散亡老成凋謝載稽舊志事既逕庭沿習故常形同枘鑿其大者尤莫如賦役蓋以凌雜瑣屑無所考證承訛襲舛一切都非其實伏自念幸逢天子聖仁海隅日出之邦莫不休養涵濡共安無事及此時參互考訂

漳浦縣志序

二

釐定成書因以質疑徵信與利剝弊令斯土者安所辭其責乎夫入政先于食貨將預積儲飾營繕修禮樂興教化百度二舉而使賦不均役不平欲成其政不可得也畏凌雜瑣屑不苦心精研計其盈縮析其異同定畫一之規懲訛舛之弊欲賦均役平不可得也先輩唐荆川有言禹貢周職方志國邑者之權輿也苟有切於利器用而阜民生辨陰陽而蕃孳思如篠蕩箇籥准嬪江龜多男少女多女少男之紀固不以其穠雜而略之後之為地志者於壤則賦額一切不詳此何異於家之籍專記圖畫狗馬玩具為粗綴而租賦錢實所以需衣食之急者漫不足徵其亦何取於為家也與用是屬同志諸友廣蒐遺文參酌時事奉九十六年之中因革損益廢興無不畢載聞附已見而于賦役一編尤加意焉庶後之覽者有所考證云爾嗟夫事過何常來者日積前之遺墜責在今茲今茲所留更待何日余既不能媿向者三君子之才同事者亦自謝於向者六七君子之盛或義例未符或者據未確或文辭未雅

馴視舊志多遺憾矣是有待於後之君子也夫

漳浦縣志序

三

重印漳浦縣志序

一縣之山川人物風土人情沿革興廢盛衰咸否胥繫乎志乘志乘固不重哉吾浦環鹿溪九十九曲河水縈帶屏梁山九十九峯鬱乎蒼蒼蒼其間已往之陳蹟有足紀者固可攷諸舊存縣志惜乎國家多故浩劫頻經顛沛流離其不為鎔灰故紙斷簡殘篇者幾希檢原藏舊本存全部者寥若晨星或於鴻儒學究家藏獲睹一二亦屬鳳毛麟角致留心本縣文獻者殊感無從借觀循茲以往恐將磨滅於無形矣且原版裝璜既未臻精雅而魯魚亥豕復難免舛訛又為原刊之缺憾漢書朱公琛甫以行政督察專員兼攝漳浦縣篆關心文化搜存典籍冀以翻印廣為流傳提議成案命由本會付印同人等樂於志乘之得以復興而光大者殆亦吾浦文獻藉垂不朽之幸遇也敝漳浦縣政府財務委員會委員藍長澤盧德明李宗道黃則吾楊燭民陳陽山蔡春暉林根源陳修祖何元良陳建和等謹序

漳浦縣志序

九

漳州府志卷四

徵修漳浦縣志啓

陳汝威

九州風土隸在職方一邑規模掌諸司牧是以山川阨塞覽形勝者必按籍而考圖文物聲名博見聞者定準今而酌古况夫彰善導惡先須辨乎貞淫若乃因地制宜唯在知其風俗鏡前人而資法戒跡往事以決從違如禮樂如兵農孰非稽古之力有人民有社稷能無讀書之資所以邑之有志而為政治之要圖猶夫國之有史而為制作之大典也惟茲漳浦關土在有唐垂拱之初考厥志書編成自故明萬曆而後雖校讎載筆在當時皆學士大夫之賢而闕失遺文於今日有斷簡殘編之恨梨棗燬於兵燹莫從訂其差訛典型謝夫老成誰復知其掌故矧啓頑而後為舊文之所未編至順治以來更興朝之所宜備某不揣固陋謬欲纂修做國史之大凡志先一統述成書而紀要才謝三長是用敦請名儒同考鏡夫得失亦且訪咨耆舊共從事於編摩分野以察天文畫界以區封域洲原物產何在為厚生利用之資賦役催科胡能有

漳浦縣志

徵修志啓

二

漳州府志卷四

足國阜民之效人才出於學校作養之術奚從吏治在於廉隅整飭之方安在至欲知夫休咎宜舉災祥若將志夫藝文當搜典雅有善必錄忠臣孝子兼收節婦與義夫無美不彰名宦鄉賢並及寓公與方技或因或革各以類而護書或勸或懲隨所行而定論紀也表也固循史氏之常志敷傳敷甯習詞家之陋將善治以行遠必考獻以資文唯望縉紳先生膠庠多士與夫山林隱逸鄉社老成凡有所見發之枕中抽之架上無論家乘野史悉付局以表章凡有所聞關於利弊待於興除無論俚語方言亦備書以採擇庶幾積流成浸集腋為裘作述皆爾雅之遺不負大邦文獻損益盡精詳之美堪稱盛世章程矣謹啓

濫載且止別時代不分各體所重固不在文耳

一是書始於戊寅四月成於己卯二月藉諸友之助搜羅訪不遺餘力凡所紀載較他志頗詳但隨付剞劂不遑較正梓人異手體例多有參差此欲速之過也唯賦役志係余手自編輯而簿書勞攘時從喘汗中忝互考訂至庚辰歲僅而畢業久藏篋中未及付梓戊子六月調任歐察去前修志之時又十載矣因復為續志一卷聊記大略間多未備適余奉文赴京程限嚴迫并前賦役志倉卒刊成疎陋之譏定知不免也

纂修姓氏

縉紳林登虎己酉舉人山西臨汾人

林紹祖丁丑進士

諸生蔡昉

盧維禧

蔡來朋

張方炎

蔡衍銳

蔡整

陳夢林

外賦
屯田
起運
存留

卷之九

學校志

學宮 鄉飲 鄉射 社學 書院 義學 學田

卷之十

祀典志

壇祀 廟祀 祠祀

卷之十一

兵防志

歷代兵制 衛所 弓兵 機兵 駐防 兵額 鄉兵 教

場 關隘 烽堠 軍器局 萑苻

卷之十二

選舉志上

漳浦縣志 目錄

進士 舉人

卷之十三

選舉志下

貢生 薦辟 吏員 武科 弁給 封爵 封贈 任子

卷之十四

名官志

刺史 縣令 佐貳 縣尉 教職 武職

卷之十五

人物志上

縉紳

卷之十六

人物志下

韋布 閭巷 僑寓 方技 閩閩 方外

卷之十七

藝文志上

歷代著述 唐文 宋文 明文

卷之十八

藝文志下

明文 國朝文 六朝詩 唐詩 宋詩 元詩 明詩 國

卷之十九

雜志

古蹟 舊物 墳墓 叢譚

卷之二十

續志

方域 風土 建置 職官 賦役 學校 祀典 兵防

漳浦縣志 目錄

選舉 人物 藝文 雜志

漳浦縣志卷之一

方域志上

沿革 分野 形勝 山嶼 石海 江溪 湖潭 池河 溝港 墟 陂 洲 泉 井

郡縣為天子守封域邑設有唐太宗元年分天下為十道開元中凡縣一千五百七十三福州為縣十後乃漸次增設浦之為縣時屬中下開邑以後加以數十年休養邑無風塵之警區域晏如民不外勞役寬務簡地廣野豐民勤本業一歲再熟數口忘饑無杞梓之利有魚鹽之饒蕉荔成行薯蕷被畝蓋東南之極盛也中更五季衰亂自此以來倭夷蠻僚山海雜探難僻處閩南無異四戰之地五達之郊屢經寇盜城邑毀墮民物凋數百不存一迨其後稍稍收集流移吊死撫傷疆域依然民庶繁息土地復而人民政事與夫豈不信然耶

漳浦縣志

沿革

漳浦舊為綏安縣周職方七閩地秦為閩中郡漢為東冶縣屬閩越南部後漢獻帝建安初南郡置侯官建安等五縣屬會稽郡侯官以一縣而奄有福興泉漳四府之地唯時土曠民稀城闈聚落數百里一置也吳永安三年析侯官置建安郡晉滅吳分建安立晉安隸楊州綏安屬焉梁武帝天監中析晉安置南安郡陳永定初升為閩州領南安等三郡光大元年復升為豐州俱屬東揚州隋高祖開皇九年改為泉州大業三年復改泉州為建安郡領閩建安南安龍溪四大縣當時以綏安併入龍溪唐高祖武德五年析南安為豐州六年析閩縣為泉州太宗貞觀初廢豐州併入泉州閩州隸江南道至是改隸廣州橫南道是綏安之為縣著於晉廢於隋名為綏安未有所為漳浦也高宗總章二年詔玉鈴衛瀾府左郎將歸德將軍陳政鎮泉潮間故

漳浦縣志

沿革

綏安縣地儼鳳二年將軍陳政卒子元光為左郎將討平崖山寇及諸蠻於潮州開屯漳水之北中宗嗣聖三年疏請建州泉潮間以抗嶺表詔從之因即屯所為州領漳浦懷恩二縣漳浦附州為縣自此始漳浦從州民余恭納等請縣隴州徙於李澳川二十二年改隸嶺南經略使二十九年省懷恩入漳浦天寶元年改漳州為漳浦郡還隸福建興元元年刺史柳少安請徙州治於龍溪未報貞元二年觀察使盧綦錄前奏上之乃以龍溪為漳州治其李澳川漳浦縣治如故僖宗光啓元年光州刺史王緒攻陷汀漳二州緒暴衆因緒推王潮為主昭宗乾甯三年升為威武軍以王潮為節度使五代梁開平三年封潮弟審知為王領泉漳等七州審知傳子延翰延均至延政為南唐所滅以留從

漳浦縣志

沿革

效為節度使改漳州為南州宋太祖建隆三年從效卒泉漳二州為其將陳洪進所奪乾德二年以洪進為節度使領泉漳二州太宗太平興國三年洪進納土復為威武軍浦至是始屬宋元至治中析浦地合龍溪龍巖二縣地置南勝縣為漳州路明太祖洪武元年湯和廖永忠等兵次延平執陳友定歸京師漳泉郡縣相繼降附而浦始屬明本朝順治三年征南大將軍貝勒率羅平閩漳浦隸漳州並入版圖一統之威不數前代矣 舊時漳浦縣即古綏安地在梁山盤陀之陰縣在雲霄鎮鎮百里數十里之地俱以名之也今縣治在好景山之麓即李澳川通志暨閩書所載皆云舊時漳浦在今雲霄鎮按舊志元光開屯漳水之北後即屯所為州縣屬之又云其南漳水出焉漳水自西林出雲霄在其南不宜稱漳水之北則不在雲霄明矣其懷恩在雲霄當是省懷恩入

漳浦後縣廢爲鎮耳歷攷羣說以杜氏通典所載爲是備詳之

分野

周禮保章氏以星土辨九州之地所封域各有分星周官吳越屬星

紀周禮保章氏

漢書 屬牽牛婺女之分

後漢書 晉書 隋書 屬斗牛須女之分

唐書 屬南紀 屬天市垣東蕃南第六星

宋書 屬星紀之次

元史 屬斗牛之分

明天文分野 屬斗牛之分

按邑分野具如前云其語雜見於史籍多難考驗夫天渺難知地顯

漳浦縣志 卷一 方輿上

易見天遠無倪人邇有緒以易見度難知以無倪附有緒必不符昭

矣漳浦撮爾地而欲規規於擬合天象曰某星某星者惑也故君子

惟脩其有緒之易見闕其無倪之難知焉爾

形勝

蒼山萬尋漲海千谷

境曠窮山外城標漲海邊

東南際海西北多奇峯峻嶺

在閩曾之極南

處八閩之極地爲漳潮之要衝

前屏梁山而十二峯之並秀旁環鹿水而入餘水之交清勢之高下若

神蛟之趨瀚海形之隱伏若祥鳳之下平原

川曰漳江山曰梁山水擅巨浸地鍾名嶽疆土延袤方五六十即處僻

左舟車商賈之所不通亦漳南之一隩區矣

控引番禺襟喉表

圖經

按鄭夾漈云州縣之設有時而更山川之形千古不易所以禹貢分州

必以山川定經界使兗州可移而濟河之充不能移使梁山可遷而華

陽黑水之梁不能遷是故禹貢爲萬世不易之書後之史家主於州縣

州縣移易其書遂廢今之地里以水爲主水者地之脈絡也郡縣蕃布

州道瓜分皆由水以別焉考漳浦之圖經流峙皆始自大峯山東過爲

礮山北紀之山由礮山東北行爲摩頂山南析爲太武山盡於鎮海而

摩頂陰之水合于馬口豐田之水入于海若礮山之東北過爲觀音山

至于九龍嶺則北紀之外護也南紀之山由礮山西南行于梁山又南

轉爲大臣山後球山盡於海而大小尖山陰之水合於梁山陽之水入

於海以會於北紀之水若大峯山西過爲雲霄山至於詔安則南紀之

外護也山水皆自西北而折東南合之環抱攬結脈絡較著天若作之

漳浦縣志 卷一 方輿上

疆限豈非東南雄勝之區哉乃若按圖而索其阨塞則鎮海六鰲之外

爲銅山水寨諸巡司海孽爲翔獸逸之所海之險也大峯標林三角隘

蔡岡嶺之間連數寇衝山之險也二險固金湯曷虞哉

邑十景

東羅旭日 梁嶽晴雲 印石松風 海雲夜月 鹿溪春漲

鶴嶺秋聲 虎山怪石 龍井甘泉 峯山鍾秀 湖澤儲英

印石山 在東門外里許山勢如飛鳳舒翼隱隱磅礪上有巨石方如

印古識云鳳凰印印鎮山頭宋令傅希龍作亭其上後人號爲遺愛亭

旁有石壁屹立刻諸文人題咏傳聞在昔多松風至則松濤交響鏗鏘

如鼓樂聲無名氏詩云碧嶂平高玉印橫松風十里響鏗鏘有時一枕

驚殘夢疑是洪濤半夜生爲十景之一歲穰雨必墮於此山半別業數

區皆甚工緻南行爲象墩山爲後羅山蜿蜒至鹿溪而止